

袁文達公誥集



求文達公詩集



袁文達公詩集

古今體詩目錄

卷一

古今體詩七十九首

卷二

古今體詩一百二首

卷三

古今體詩六十二首

卷四

古今體詩五十四首

袁文達公詩集

目錄

卷五

古今體詩四十四首

卷六

古今體詩五十四首

卷七

古今體詩五十七首

卷八

古今體詩八十首

卷九

古今體詩四十八首



卷十

古今體詩二十五首

卷十一

古今體詩二十六首

卷十二

古今體詩二十九首

袁文達公詩集

目錄

二

裴文達公詩集卷之一

畫竹

東風料峭暮春寒
捉筆橫斜強自寬
二十四番花信後
爲摹千个碧琅玕

臨川道中

朝霞如綺弄新晴
鹿鹿車輪更曉行
芳草綠勻深淺色
亂山青記往來程
花繁偏入愁人眼
柳弱能牽過客情
何處隔林聞杜宇
不如歸去一聲聲

過峽江縣

孤舟來去此栖栖
野鳥逢迎盡意啼
兩岸人家浮水面

裴文達公詩集

卷之一

四圍城郭擁山臍
深巖雨過濤聲合
古木風多日影低
回首西峰一惆悵
隔雲遙指未全迷

野泊

游子倦行役
停舟江上村
按行隨草色
趺坐就松根
野寺多臨水
空山獨閉門
恍然塵境外
別有道心存

抵雩都寄家兄盛脩

欲歸猶未得
遠夢復何如
相憶青山下
松陰覆敝廬
我來千里外
初寄一緘書
昨日虔州發
長江滄滄虛

村居

幽棲疑是武陵源
一帶江村絕世喧
松樹綠陰低蔭屋

桃花丹障秀當門
晚霞欲放占新霽
秋漲初平驗舊痕
獨笑有身閒處著
得逢田父語黃昏

登列岫亭晚眺

偶乘秋色一憑闌
古寺僧稀未掩關
舟子落帆斜日靜
漁人收釣暮江閒
繞簷鳥宿深深樹
隔岸雲流漠漠山
清景有人收拾得
故應畱句到屏間

秋屏閣二首

秋屏遺蹟枕龍沙
滿地苔痕一徑賒
老樹綠遮深院閉
夕陽紅繚短垣斜
斷碑無句吟芳草
野鳥多情惜落花
爲問舊遊何處去
令人搔首向天涯

裴文達公詩集

卷之一

二

昔賢曾此獨登樓
往事偏供弔古愁
人世蒼茫悲代謝
古今詞賦幾傳畱
雲來極浦迷歸雁
日下寒流點素鷗
還指檻前山色在
畫屏千疊未全收

送歐陽蔭亭歸安福

不謂行當去蕭然
乍別時大江秋色迴
虛閣晝陰移聚散
如殘局心情似亂絲
一尊君且住惆悵欲何之

送蔡天錫歸梅川

入秋纔幾日動與故人違
江上一尊酒西風生客衣
蕭蕭落葉點點雁聲微
此去虔州路千山滿夕暉

春陰有懷勸右

小窗青草色老屋碧苔痕一雨動經月三春長閉門晝
閒虛白日天暗易黃昏獨抱遺編在相期共討論

南昌道中

聊命巾車出駸駸一徑賒平橋圍野色深樹隱人家山
氣鬱微雨溪聲喧落花東風還借問何處酒旗斜

奉贈南昌前輩鍾太占先生

衣冠淳樸古風存再拜欣承笑語溫南牖課兒書在手
西堂畱客酒盈樽春歸老圃蔬生甲雨入空庭竹有孫
他日記尋高隱處小橋流水認江村

春日偶成

裴文達公詩集

卷之一

三

四壁蕭蕭畫掩扉紙窗棐几靜相依閒因愛客拋書久
嬾獨妨詩得句稀蕉葉硯紋書作骨瓜皮鑪色碧爲衣
從容一覺東風夢時有尋巢燕子飛

遊百花洲

湖上輕風斂早霞湖邊芳樹思無涯廻環水感羅紋細
周折橋連雁齒斜柳線綠飄行子蓋荷衣紅點釣人槎
梁園詞客今焉是廢碣題名蝕蘚花

十一月二十六日長新店曉發口號

曙鼓夔夔報曉晴僕夫整駕促初程道旁來客閒相問
爲報前途自在行

風恬日皎曉寒輕
豐歲家家樂太平
我向吟鞍計來路
郵籤排日總分明

登道邊古閣

平生踪跡滿烟巒
石壁題名半未殘
陳迹樽前縈短夢
舊遊馬上續清歡
藏雲寺古披榛入
轟面峰奇擁袖看
今日客途增跌宕
又來高閣拍闌干

雜憶詩二十首卻寄

酷愛周髻五字詩
古文疎散亦能奇
世人但識臨池法
蠟本傳觀溫氏碑
周西擎

凍硯吟哦日不停
長身玉立好儀形
慧根更似白鸚鵡

裘文達公詩集

卷之一

四

誦得觀音般若經
金質夫

舍人幾載侍明光
朝罷歸含雞舌香
臘盡春回歌吹動

選聲先唱賀新郎
陳育仲

臨歧分手意躊躇
千萬教儂訪玉姝
誰信高唐神女賦

兩雲踪跡屬虛無
袁子才

有句憐余太瘦生
一樽寒夜不勝情
寧知破曉披衣起

正聳吟肩踏雪行
徐亮采

昨日分攜實惘然
不能送我出門前
憐渠臥病晴窗裏

藥裹茶鐺相伴眠
程巨山

風流老子亦吾曹
醉墨淋漓瀉落紙
豪誦到江聲山色句

天風蕭槭起松濤

徐東田

咸陽公子神仙徒雙眸如水飄長須臨風咳唾儼鶴唳

翩翾矯矯翔清都

秦柱川

陶公貌不逾中人習有奇氣交縱橫庭空天地來真色

一語能令詩伯驚

陶序東

去年早識陳鶯座鶴骨稜稜病不勝料得揮毫消永夜

倚鑪呵解視蟾冰

陳紫山

莊君退直

南書房鍵戶誦詩聲琅琅平時一滴不入口昨日忽然

游醉鄉

莊滋圃

裴文達公詩集

卷之一

五

慨四方志蕭騷萬古愁長堤堪駐馬來問酒家樓

雪夜作苦寒行

窮陰霏霏雲帖帖雪意衰時風借力朔風怒發雪更狂
入袖穿襟橫相逼平生意氣此最豪不爲寒飈愁遠涉
青蹀疾足輕四蹄微茫大道如繩直

馬上行

北際南垂望未窮自來消滅幾英雄論交不棄鼓刀者
相士每於彈鋏中哀角入雲愁落日明沙如雪起寒風
可憐慷慨悲歌地今古遙遙此意同

夜宿平原縣

凍筆重呵爲寫生醉中高咏兩髯行于思信有徐君美
仍謂長鬣公宜獨寶名 葉書山
東田
吟章草草墨闌珊諒我山城甫解鞍園苑清宵蓮炬曉
懷人應念外邊寒

如雲冠蓋列鸕鷀落落心期訂古歡小別情懷亦惆悵
封緘好去報平安

儻值賓筵酒未闌開函一一盡傳觀滑稽聊用詩爲戲
莫作羣公像贊看

過趙北口

岸柳凍將折河澌凝不流郊原氣慘慘沙磧聲颼颼懔

裘文達公詩集

卷之一

六

慨四方志蕭騷萬古愁長堤堪駐馬來問酒家樓

雪夜作苦寒行

窮陰霏霏雲帖帖雪意衰時風借力朔風怒發雪更狂
入袖穿襟橫相逼平生意氣此最豪不爲寒飈愁遠涉
青驟疾足輕四蹄微茫大道如繩直

馬上行

北際南垂望未窮自來消滅幾英雄論交不棄鼓刀者
相士每於彈鋏中哀角入雲愁落日明沙如雪起寒風
可憐慷慨悲歌地今古遙遙此意同

夜宿平原縣

街鼓聲沉畫角喧衝寒來過古平原千秋未歇英雄恨
一日能消客子魂故壘寂寥埋蔓草殘碑零亂剝苔痕
蒼茫對此煩憂集痛飲寧辭市酒渾

濟南畱別魏慎齋方伯

大國風洋洋豐年雪浩浩嚴冬策騎東海來九陌黃塵
淨如埽堂堂藩府盛輝光洞開重門容逕造兩佳公子
夙所諧一笑持觥共傾倒堂上起居方伯公當軒意氣
凌蒼昊音容忽憶廿載前及見先朝舊元老

謂宗伯公維時

隨宦畱京師年甫成童髮未燥豈期冠蓋渺烟雲復此
風塵通紵縞丈人古誼紛笑言賤子離情耿懷抱三千

裴文達公詩集

卷之一

七

歸路問前途竟日清樽忘遠道登階拜別誠恩恩卽席
題詩亦草草明晨廻望懷我公岱嶽瞳矐日初杲

黃庄和答魏懋堂見寄之作

懷人新舊雨惜別短長亭爲記難忘處連峰不斷青

十二月十一日夜半登泰山絕頂歸憩廻馬嶺題

寺壁

塵海茫茫吁可哀通天一線石門開曾聞登此小天下
今日果然親到來

星斗離離碧漢流長風天外起颼颼手捫一片蒼寒石

我欲題名紀快游

旅宿得二絕句

下馬郵亭鍊句成，兔毫鵠眼伴行程。
奚奴更事知人意，位置明窗一榻橫。

來鴻去燕領秋春，歲歲天涯作客頻。
驛使漫勞前致問，東西南北苦吟身。

唧唧復唧唧

渡河作

唧唧重唧唧，曉渡黃河側。
憂思從中來，我有平生憶。
先子官銓曹，生我自京國。
甫脫襁褓時，提攜屢南北。
時惟耽嬉遨，不省愁跋涉。
但記揚高舲，侵晨此飛越。
再侍趨帝廷，刑垣職言責。
親年未至衰，春秋五十七。
狂飈殺百卉，高木亦摧折。
我剛及十齡，孤兒一身子。
母時親抱持，相向但啼血。
撫兒止兒號，母心更淒惻。
遙遙旅櫬歸，道路五千隔。
湯湯河流聲，一路助悲咽。
迄今二十年，辛勤事非一。
兒幸及長成，婚宦計粗畢。
維此二十年，幾日常侍膝。
河邊草離離，慣見青袍色。
前辱

廷臣知鴻辭徵赴

闕黃塵，六月中疲馬。
茲蹀躞報罷，我歸來徘徊理舟楫。
逾年因計偕，又復經都邑。
爲憶風雪中，待渡南頭驛。
倏忽越三春，一官繫行轍。
西山飛白雲，下有吾親宅。
道遠定省疎，家貧供膳缺。
春暉爾許長，寸草何由答恭惟。

皇帝恩錫類永無極特許寧親歸上堂慰白髮重尋萊
子衣還捧毛生檄山記向日程水減前波跡平生數經
過撫今益念昔臨風一長謠茫茫百端集畱待他日觀
書之旅店壁

寄送張鷟洲侍御巡視臺灣

龍節新持拜

主恩繡衣氣色內臺尊前旌路出無諸國一線青山認

廈門

鯨人分島列西東王化于今絕徼通海不揚波鼉背穩

中流高掛滿帆風

裴文達公詩集

卷之一

九

入朝封事早知名嶽嶽臺端有駿聲萬里經行專倚任

早囊還達遠人情

負山臨海開雄鎮破浪乘風瀉壯懷常笑班生漫投筆

拄天勳業本吾儕

至揚州二絕句

魯酒齊竿意寂寥東來馬首客程遙廣陵十幅蒲颿落

春色都歸廿四橋

玉鈎斜外日初曛瓜步微茫隔暮雲落拓江南行載酒

人間寧獨杜司勳

除夕

前年旅邸逢除夕公車晚宿楓香驛山村
窮店孤燈紅道上雪深逾一尺去年除夕官京師
姓字初矜挂朝籍中宵待漏趨

彤墀大風揚塵喧紫陌堂堂日月兩跳丸
扁舟又作江南客自憐薄宦困行役良辰
歲歲繁憂集二三僮僕慰寂寥爲市春盤
進肴核洞庭霜橘擘冰漿廣陵春酒傾瓊
液一樽自酌還自斟兀坐無歡情脈脈鄉
思翻從醉裏來羈愁難向杯中釋古人一
日養不以三公易而我獨何爲動輒千山
隔似聞靈萱花漸老顏非昔昔引領望
南雲奮欲生兩鬢稽首天公禱風伯十日
輕颺送歸舶

裴文達公詩集

卷之一

十

到家猶及鐙宵前家慶團圓重開席

辛酉元旦

上帝幹鴻運義轡無停鑣寒暄一以易昨暮非今朝
元辰肇令節建寅廻斗杓海宇春來歸烟景紛招邀
和風自南國麗日臨東郊作態梅婀娜含情柳妖嬈
動植欣得所鳥鳴呼其曹繁余方旅泊去住移輕橈
頻年泛蓬梗故鄉隔洪濤爲感節物新益念形神勞
流光何在苒去日隨風飄吾生倏三十旣壯年非韶
三分百歲內其一逝莫招平時汲汲志寸陰重瓊瑤
如何墮悠悠坐使朱顏凋古來幾賢聖簡冊畱名高
今人復何如思之心

鬱陶撫時良自惜得句空爾豪當春忌感慨且飲杯中
醪莫貽世俗嗤多言笑曉曉

過柴桑述懷

笑指青山欵欵歸夢魂長繞白雲飛宦情適過陶公宅
樂事重尋萊子衣貧戀一官支鶴料閒宜十畝占漁磯
本來出處都無繫廊廟江湖誰是非

晚泊瓜州作

柔櫓聲和歇暮潮蒜山瓜步兩蕭蕭黏天孤岫一痕黛
飲水斷虹千尺綃愁覺酒杯終得力悶憑詩卷慰無聊
東風漸放春蕪綠野色蒼涼極目遙

袁文達公詩集

卷之一

十一

舟出江口

秣陵城闕渺茫間尚阻行程十日還紅旭播掀初出海
白波飛舞欲排山冲霄霜鶴精神健狎水沙鷗意態閒
去住兩忘歸且未客心無那滿江關

有懷故鄉同學諸子

南國多香草西風吹暮烟美人矜絕豔志士感流年脈
脈春心遠悠悠別緒牽舊時觴咏地明月只孤圓

百花洲畔寺曾此共棲遲

余向與謝雅堂
鍾秀昇讀書處

夜雨移書幌

秋陰理釣絲酒酣調謝客琴苦問鍾期別後都無恙勞

勞政爾思

剝欲論心劇其如會面疎詩篇還寄我雲樹渺愁子歐
冶頰看劍歐蔭劉蕢數上書劉少亭山中歸臥穩眠食近

何如

長此離憂積何因笑口開青衿淹歲月黃卷困塵埃磨
礪逢時具淒涼作賦才湘潭采芳客遲暮且歸來時徐勳右

楚楚

鍾子真吾友恒齋足我師切磋斯道在攻苦此心知白
雪空高調青山有後期江東吟望處春色悵淒其

今夕是何夕懷人夢不成故歡千里隔遠道一舟橫莫
恨睽良晤相期保令名當時舊同學抱負各崢嶸

裴文達公詩集

卷之二

十二

春色

內河新水響涓涓漸看垂楊裊綠烟梅未放殘桃又綻
向南春色倍爭先

又口占一首

東風夾道起高樓十里珠簾上玉鉤人面花光相映處
酒旗揚出樹梢頭

夜渡采石醉中戲作短歌

揚帆深夜凌飛潮酒酣垂袖風騷騷醉中脫卻頭上帽
長歌忽憶騎鯨客謫仙一去近千載明月青天至今在
石頭城下閉棹謳金陵城西孫楚樓烏紗紫綺矜風流

意氣不與凡人儔眼底紛紛多敗意安得載酒從公遊

觀燈詞

菽港作

神祠枕江濱居人列闐闐佳節臨上元清時多樂事玲
瓏照千鐙連駢陳百戲渡水揚錦標升壇分赤幟盪奏
北里竽競進偃師技所見種種殊善幻駭衆視或尊如
長官或威如將帥或莊如菩薩或醜如鬼魅或爲戰鬥
形刀戟森可畏或爲歌舞粧低徊逗姿媚或爲原上游
士于紛隊隊或爲田間穫壺漿雜童穉水行爲樓船陸
走爲車騎或洞爲城闔或聚爲市肆形摹極生成刻畫
均動植俗尙誇新奇雜沓難悉誌餘巧猶可人翦綵鬪
裘文達公詩集

卷之一

十三

精緻游衍駕海龍馳驟凌風驥魚蝦鼓長鬣禽鳥扇弱
翅蓮枝含輕紅柳條拖暗翠吹嘘問百花點染呈四季
低者婉欲垂高者斜不墜亭亭各成行熠熠儼相對游
觀盡忘疲異態非一類緣流樹旌幢達旦喧歌吹寧惜
費不貲云是豐登瑞

大風揚颿半日行二百餘里

白波拍船三尺高日光淡薄風怒號古岸頽沙那容纜
亂山崩石難受篙江豚吹浪影動搖舟人袖手寂不語
電掣雷轟去偏疾帆脚駕空如鳥翼誰知快意正此時

若使旁觀應動色

舟中卽景偶成

漠漠空江澤國遙
數峰孤翠壓波濤
縱橫飛雨浪花急
散漫亂雲風力豪
閱世經綸慚宦薄
閉門鐘磬羨僧高
匡廬咫尺不能到
客意寂寥塵夢勞

舟泊三洲抵家有日矣雨窗燈下得六絕句

一臥芸窗旅夢長
洪都重溯水雲鄉
去時面目來無異
贏得鬚眉近老蒼

京洛紅塵歲尺侵
江鄉風景渺難尋
故人一笑相逢處
風雨篷窗夜話深

尊酒多情蠟炬紅
客心歸興兩怱怱
奈他鎮夜廉纖雨

裴文達公詩集

卷之一

十四

倦枕無眠待曉風

家山漸近覺行遲
此際偏能攪夢思
舊日交親知念我
待傾春釀已多時

佳話流傳羨板輿
歸舟江上意何如
尋思自覺

君恩重白髮
慈親久倚闈

芳草郵亭句裏傳
日研清露拂吟箋
更無餘物充歸橐
一卷詩成手自編

裴文達公詩集之一終

裴文達公詩集卷之二

清明即景

春光卻向此中嘉樹上紅連陌上霞國號衆香呈旖旎
山如羣玉鬪清華鴨頭水泛仙舟過雁齒橋依別院斜
新火頒來烟不禁東風吹到野人家

和梁惠亭師歸太和畱別原韻

高步詞壇七尺身雞林名字遠人珍一麾赤縣栽花客

三載

彤墀珥筆人

師以翰林出
爲文水令

上舍偶來開講席末流何幸

託通津門前桃李欣欣發長沐東風雨露春

裴文達公詩集

卷之二

廿年文苑早騰身千軸琳瑯素所珍拂袖偶成招隱賦
銜杯源是謫仙人瑤池有約逾前路塵海無心納要津
幾輩後賢能學步曲高從古歎陽春

見說逃名未遂身文章餘事世偏珍燕雲楚雨畱佳夢

綠水青山作主人秋月一輪懸海嶠曉風孤棹下江津

年來師弟綢繆誼記賦名園十月春

去歲十月牡丹
盛開有詩紀事

紅埃潦倒十年身哲匠親逢許席珍一日龍門欣得地

三秋蟾窟敢先人蓬山鼇負輕投釣銀漢槎浮遠問津

記取桂香時節好廣寒還接上林春

秀埠八景爲豐城楊廣升前輩作

古岡書屋

迢遞平江一抹橫茅齋中有讀書聲皤皤白髮支頤坐
猶見當年舊典型

三嶺晴雲

矗面三峰翠欲連曉來螺髻想娟娟丹青細繪雲中景
日照分明五色鮮

龔城古廟

屈曲朱闌與畫除巍然古廟俯城隅迎神簫鼓喧春社
恍覩朱陳士女圖

上方曉鐘

裴文達公詩集

卷之二

二

上方岑寂白雲封擾擾浮生睡正濃忽地自驚塵夢裏
喚人醒處一聲鐘

黃井朝霞

破曉朱霞一帶長徜徉多在水雲鄉居人慣識丹砂顆
侈說新泉濼濼香

仙山夜月

月光如水影初流一派金波瀉素秋應是綵鸞人去後
洞簫聲隱繞瓊樓

秀水漁歌

弄水浮舸箇箇輕竹枝齊拍一聲聲臨流我識漁家樂

兩岸蘆花秋月明

南山屏嶂

巒岫廻環列檻前
誰家結屋亂雲邊
采芝驚遇商山叟
卻誤旁人喚作仙

送余廓友人入都

尊酒離亭欲破愁
岸花隄柳共夷猶
三春烟景資高詠
千里雲山紀壯遊
南國衣冠餘慷慨
西園詞賦想風流
片帆不盡迢迢影
綠剪江波送去舟

卽事賦贈劉應芬

舉手相看幾少年
劉郎才調故翩翩
牆花拂面頻欹帽
裴文達公詩集

卷之二

三

樹鳥窺人數指鞭
綺席酒盃金鑿落
旗亭歌扇玉嬋娟
春遊見說風流甚
好句爭傳五色箋

訪劉應芬慶雲菴次勦右韻

訪君來曲逕蕭寺
叩重門簾影飄香篆
牆陰沈屐痕臥
遊開畫卷心賞付
琴尊珍重斜陽意
幽懷欲細論

有懷家姪台衡

憶汝天涯客
憂來欲白頭
鶯花三月夢
風雨一春愁
往事頻看鏡
浮生獨倚樓
暮雲千萬里
何處識歸舟

台衡時客

滇

送方栗齋司馬江州之行

水繞山環數問程扁舟微雨往來輕湖隄柳色逢青眼
驛路花陰擁畫旌塵滿印牀知政簡夢迴筇枕喜詩成
潯陽自古流連地莫爲琵琶感宦情

次韻畱別應芬

回首東風入夢遲落花飛絮楚江湄鴨頭水碧尋前渡
鵬背雲青憶夙期別緒自縈兼中酒春愁難遣更吟詩
征帆未忍慙恩發小疊蠻牋寄所思

秋懷同人分賦拈得上平聲六首下平聲三首

秋色遙憐隔翠微亭亭孤日漏寒暉書傳極塞雙魚至
目送天涯一燕歸愁緒欲紛南岸草幽芳行採北山薇
裘文達公詩集

卷之二

四

斗牛高處誰相犯欲把詩情寄錦機

竄跡空山歎索居梅香紙帳夢蘧蘧碎琴有意誰知我
按劍無情莫笑渠一飯加餐菰米後三杯滿泛菊花餘
瀟瀟暮雨侵階冷默坐焚香靜掩書

秋風吹雨過菰蒲一抹煙嵐淡欲無野水微茫天際落
戍樓隱約渡頭孤臨江寺裏門多掩懸旆村中酒自沽
歸踏金壇隄上路漁鐙沙渚亂棲鷺

意行多在小橋西秋色無端野鷓嗁滿澗白蘋雲漠漠
一林黃葉雨淒淒西風騷屑愁心遠北斗闌干望眼迷
最是玉關驚別曲數聲偏送到深閨

西華精舍近茅齋飛錫何年到水涯閣迴一隅青嶂出
壇空千載白雲埋僧歸細雨鐘聲晚鳥度寒煙磬韻諧
應怪世緣消未得遠公蓮社許相偕

曲巷荆扉設未開閒評舊史意徘徊請纓謾羨終童志
獻幣嘗羞管子才湖上秋風宜放棹樓頭清月負銜杯
誰家砧杵聲相續獨臥蕭齋首重回

但得寰中機趣深儘教魚鳥各飛沈水流淡蕩廻孤嶼
雲出霏微度遠林北牖偶然對酒東籬何意靜橫琴
詎知偏在無音處傳出淵明萬古心

幽尋欲愜獨城南每向徘徊駐晚騷千樹淡黃攤夕照
裘文達公詩集 卷之二 五

一泓寒碧翦秋潭軟莎汀畔閒情在紅蓼灘頭逸興酣
秋色莫教虛擲去籬花滿鬢不勝簪

薄露初零夜未厭鑪煙斷續晚香添濡盃拭盡塵中面
刻燭吟衰頷下髯無故鬢絲牽雨線有時意緒劃霜鏤
多情最是三秋月處處清輝對捲簾

郡學博李念亭招同徐二勳右飲衙齋卽席步韻

景文高論豔仙才

宋景文論詩謂太白仙才

講席將辭祖讌開一鏡

芹波魚自適半簾梅雨燕頻來天涯舊夢尋詩草鄉國
新愁付酒杯江樹遠遮千里目懷思別路首重回

附 徐勳右元韻

閒官冷署徧徵才三月春深絳帳開屣倒不因王

粲至座虛誰覓孟嘉來時叔度雨斜草閣頻移席

颯遞蘭庭暗入杯歸路醉歌湖上霽幾羣鴉帶夕

陽回

假期屆滿以四月二十六日北上五章錄別兼用

述懷

予生愛口心歲序驚飄忽上堂告行期清和當四月願
言奉晨昏戒旦趨

魏鬪畫舸親扶將東風待明發雞鳴起束裝徒御紛已
列睠懷平時親頻行轉紆結初程且遲遲尊酒爲我設

裘文達公詩集

卷之二

六

未卜歸何時悵悵難成別

男兒會有別去佳當何如故人誼良厚執手還躊躇古
道用相助慎保千金軀紅塵不辭遠努力騁良圖藹藹
嵐色霽淦淦江流虛薰風度窗牖晴日照路衢南來有
信使時惠雙鯉魚感君贈言意書之置座隅

長跼通殷勤上有叔父尊步兵性蕭散高懷寄清樽屏
跡萬緣息躬耕江上村孟氏亦在告頭白老弟昆從子
羅階前雁序何翩翩壯者適引疾作令舊有聞會當遠
行邁絮語重寒溫江干一爲別各各縈夢魂

望遠嗟迢迢爲憶襄江收一別經十年移官自巴蜀昨

歲長安中歡會亦云促官事有程期何能繫雙轂相送
風雪時別淚零如續州城今何如養親霑薄祿叔兮往
從之行裝初結束勞勞春令詩顧影傷予獨

我家西山陞松間足幽討嵐光青趺人一水自縈抱
髓瀨薄田秋成穫新稻社酒初熟時比舍過從好占晴
復課雨情話互傾倒奈何舍之去揚舫涉遠道我聞古
丈夫致身苦不早寸心抱區區肯向清時老

南康守商寶意前輩見示郡齋唱和四詠漫題其

後

匡廬山下揚雙旌匡廬山後春色明晴日遲遲波淼淼

裴文達公詩集

卷之二

七

綠楊陰裏嘯流鶯

自研清露寫烏絲江鳥江花入妙詞爲憶洛中分守日

一時寮佐盡能詩

官閣風流計未疎清詩字字抵璠璣綺筵到處題歌扇

管領東風總不如

繡幃巡行舊

賜袍彩雲如蓋馬蹄高郡人爭識生花筆猶是池頭五

色豪

四詠爲新鸞著
柳新晴新漲

舟中望廬山

峯迴曉波落星石巖長峯出日華頭五老如招邀

雲中面目曾相識十年彙筆賦遠游愛山謂可消百憂
捫竒歷險不辭瘁佳處往往成淹留散人曾次吞五嶽
踪跡何曾混行脚蒼茫雲海恣飛行太息人間有眞樂
昨歲裏糧登岱宗紅門直上翠幾重盤盤磴道倚絕壁
籃輿恍惚凌虛空泰山之高甲天下揭來况是風雪中
維時天鷄唱夜半絕頂仰見寒雲封要窺陽烏浴東海
衝黑徑達日觀峰快哉斯游實稱首自詫平生未曾有
欲將奇絕誇向人石上題名記誰某名山遙遙難與期
匡廬近在江之湄扁舟兩過不一到俗駕毋乃山靈咄
東風曳帆下星渚一杯遙共匡君語他年得閒應來游
裴文達公詩集 卷之二 八

後約分明其我許

野幃亭

碧雲千片拍天浮氣候空亭欲變秋人倚半酣微岸幘
地宜長嘯恰登樓山橫高鳥初飛處水向斜陽欲盡頭
日晚風光最蕭瑟江湖波浪渺生愁

江行懷古

清詩成漫興濁酒得孤斟芳草自朝暮浮雲無古今江
山供野眺風雨入長吟南國經過地勞勞客子心
不謂蒼茫感偏生澹蕩曾寒潮乘廢堞古寺倚喬松牛
渚誇雄概鳩茲驗誓封殘碑幾回讀苦蘚碧重重

江左開基後人爭豔霸圖衣冠垂六姓襟帶到三吳對
客揮譚塵當筵擊唾壺風流與割據此意久荒蕪
鶯花江總宅風月謝公墩畫舫青溪水紅樓白下門蓮
花更蓮子桃葉復桃根樂府淒涼遍重歌動客魂
瓜步濤聲壯燕城日影低高臺連北固舊苑自南齊事
往銷金粉時清息鼓聲江干何代寺行客許畱題
遙遙千載上世事轉相仍陳跡聞歌哭浮生感廢興詩
懷悲庾信賦筆愛徐陵文選樓頭月清輝尙爾憑

卽事

一扇微涼向夕生葛衣新試著仍輕賣魚船去月初上

裴文達公詩集

卷之二

九

沽酒人歸潮正平村樹綠遮江口暗板橋紅倚渡頭橫
清宵默記維舟處又喜詩從卽事成

平山堂歌爲王晴江作

堂堂我思六一翁起衰功與昌黎同遺跡不隨江水東
平山臺閣圖畫中一時賓從俱雍容文采照耀垂無窮
後來何人繼流風對山琵琶曲未終雲烟倏忽歸虛空
檻前寥落青夫容我

朝阮亭爲時宗翩然佐郡乘玉驄八窗洞達開玲瓏豪
氣直欲追歐公座客莫敢當詞鋒晴江先生起相從牛
耳再執聲隆隆重開高齋雅行摠呼吸便與前人通十

三樓外紫翠重二十四橋柳色濃名山絡繹千萬峰隔
江返照車輪紅老子于此意態雄縱目遠瞰馮夷宮劃
然長嘯驚魚龍詩成屬和一一工恍張廣樂吹笙鏞我
時容裏誠怱怱旅人塵夢隨飛鴻佳境過眼何由逢明
日又欲揚孤篷江山之靈應笑儂先生強健如長松年
年登眺行支筇

同人邀飲平山堂卽席雜賦

捉筆頻題客裏詩平生遊跡半天涯十年虛作揚州夢
慚愧三生杜牧之

六月荷葉正放時更看垂柳綠成絲紅塵底處堪銷夏
裴文達公詩集

卷之二

十

醉倒花陰酒不辭

多謝羣公載酒來旅人清晝許追陪肩輿逕到平臺上
四壁雲窗四面開

笑語交酬晝漏移平山堂外立多時江南處處山奇絕
到此看山景更奇

高懸瑤榜鎖幽深賢守清風踞古今異代君臣有如此

令人揮涕感知音

堂有宋歐陽脩賢守清風題額

聖祖御書賜

別圃眠雲石岫欹牡丹千本翠參差我來卻憶春三月

紫萼紅英又一時

雲蓋深沉午未扃散花高座佇談經齋鐘過後迴廊寂

何處風來響閣鈴

塢外層樓結構新又從高際得嶙峋窗前遠景壁間蒼
雨兩相看總逼真

步到芳塘地更偏碧流穿砌響涓涓虛亭小憩茶初熟
道是人間第五泉

蒼松夾道晚涼生醉踏松陰聯袂行到得萬松亭子上
頓疑長夏起秋聲

名園高會酒方酣芳筵紆迴看未闌松下遠公相送出
蜀岡一半夕陽殘

歸途燈火明於晝畫舫中流讌又開倒著接籬成酩酊
裴文達公詩集

卷之二

二

主人還遣送深杯

湖心亭

有地盡將流水隔不知何處著塵埃愛他風閣亭亭出
待我雲窗面面開蓮影靜紅窺鷺下竹陰搖綠認禽來
倚闌更指雷峰塔近照隨波蕩槳回

晤家兄魯青于歸安官署率成二首卽以誌別

薄宦風塵愼起居越江迢遞問何如放衙自檢新摹帖
翦燭頻繙舊著書兄弟關心千里外別離彈指八年餘
故園親種門前柳爲報濃陰綠未疎

水國陰多雨不停戒裝憐我更揚旂天
涯好信占烏鵲

異地深情誦鶴鳴
桑柘淺深關政譜
渺高下驗圖經
遙知後日勞相憶
目送吳山幾疊青

晚步至興福寺

杳杳鐘聲曲逕通
梵宮深處講堂東
竹涼似有蕭蕭雨
荷靜微生嫋嫋風
入定老僧同野鶴
暫來游子類羈鴻
歸時又發江頭棹
小立閒亭意不窮

次韻題程香溪前輩小漪南別墅

江山回首幾名賢
垂柳垂楊句總傳
一段風流誰占得
漪南亭子俯清川

曲曲闌干短短籬
水和雲影共漪漪
鑑湖佳話重拈出

囊文達公詩集

卷之二

十一

又是狂吟撥棹時

勝地猶傳六一翁
依然山色有無中
月明指點平山路
只在紅橋綠水中

荷葉田田竹裏溪
荷花齊放水平隄
我來逕欲追幽賞
無奈浮踪東復西

苦熱行同賡廷姪作

出亦復苦愁入亦復苦愁
平時曾次灑烟海到此何計
消煩憂一輪炎日覆初正
千里火雲凝不流平頭虛遣
搖大扇赤脚空爾持深甌
沉瓜浮李亦何有餐冰踏雪
真無由疎慵但稱北窗臥
放曠敢效東山游故鄉結屋

萬松寒書眠海濤浩颺處偶然行飯憩午蔭鷓鴣相喚
蟬鳴幽世緣迫促不得住家具日夜依扁舟窈窕周遭
難障日笛簟垢膩疑無秋有時曲臂還自慰未須苦吟
聲啁啾暑寒迭運理固爾乘流任化將奚求君不見農
家苦手把鋤犁日卓午沒髀泥深汗如雨

食瓜二絕句

寒香輕剖碧雲痕色味平分得細論此日茂陵消渴甚
擬將踪跡托青門
絳雪堆盤沁齒牙便疑仙醞酌流霞葡萄未必能勝此
一斛涼州莫浪誇

袁文達公詩集

卷之二

十三

曉起

宿醒初解帶餘酣歷歷行程舊所諳十里好風吹曉夢
臥看山色過淮南
風亞高桅蹴浪花不驚鷗鷺宿平沙扁舟尚是汜南岧
林外青旂見酒家

天妃閣

黃河之流凡幾曲遠從梁豫窺淮夷我昨揚帆涉淮水
河隄高與淮城齊艱哉茲來第三闌白石齒齒蟠青泥
盤渦怒作風雨吼奧窟疑是蛟龍棲黃強潯弱勢不敵
雖有人力功焉施迎秋伏汎波濤壯一插千金幸無恙

歡空欲共河伯爭，谿訝崖壁森相向。南船北舫紛喧喚，白日荒荒風蕩蕩。十丈橫牽徒爾勞，百夫競挽何由上。我方奉母趨

帝京，不辭于役官有程。畏途經行仗忠信，入險出險心太平。須臾雨漿成飛渡，便踏安流似平路。津樓沽酒行且歌，後船戢戢來如何。

渡河

清濁流分兩岍平，道邊歷歷古名城。雨初歇處千帆影，風正微時半日程。關吏置郵揚綵幟，戍樓迎客響銅鉦。黃河六月新乘漲，欸乃舟行信擣聲。

裴文達公詩集

卷之二

十四

清河道中

九河難識故圖經，一水依然走百靈。遠嶂忽平開曠野，飛流中曲抱長汀。天連北極無窮碧，草入南徐不斷青。鬱鬱蔥蔥望佳氣，路人遙指

御碑亭

立秋夕作

團扇微停過雨餘，客心深夜酒醒初。篷窗幾日愁炎暑，憑仗秋風爲掃除。

又見淮南一葉飛，候蟲切切語傷悲。秋懷不慣逢搖落，

月白風清正此時。

扣楫長歌意氣生
騶陽初退海天清
迢迢一爾丸
遠向碧霄聞唳聲

和虞廷姪立秋詩

秋氣颯然至
河流終夜聲
行程雙槳急
虛牖一鐙明
淪水冰凜淨
涵風莞篔清
蕭閒人意懶
偏稱葛衣輕

鄉思

秋聲來幾日
客枕最先聞
鄉思濃于酒
詩清冷似雲
孤城傳遠角
古木夏寒曛
故國懷人處
遙憶雁羣

阻風戲成轉韻

北船順水復順風
舟人穩坐揚高篷
南船愁風復愁水

袁文達公詩集

卷之二

十五

力盡終朝纔幾里
定知世事未可期
南船還有如北時
南船勿喜北勿歎
造物何嘗任恩怨
茫茫今古同此情
安得兩岸分風行

孤懷

孤懷何處覓雙魚
入夜寒流渺渺虛
明月一天秋到後
故人千里夢回初
崢嶸歲序新吟稿
零落篇章舊著書
筆格硯牀相伴久
短檠商略未教疎

七夕用義山韻

水華雲葉影離離
鵲駕逢秋預有期
天上星河初會日
人間風露乍涼時
飄飄事憶乘槎遠
嬾漫文傷乞巧遲

歲歲穿針成故實笑他兒女候蛛絲

咏雁三首同賡廷姪作

雁聲

嘹亮長空展暮陰一聲流入碧雲深
遠陳青海羈人語巧訴紅樓少
婦心寒漏五更淒欲斷涼颼千杵咽
俱沉驚秋況是他鄉夕入耳情牽自不禁

雁陣

直上層霄卒未休縱橫一道陣雲浮
風驚草木淮南夜月冷關山薊北秋
入塞早看邊氣靜排空遙捲海氛收
無前意氣飛揚甚遙渡銀河踢亂流

裴文達公詩集

卷之二

七

雁字

瀟湘一幅影平鋪遠勢偏工意不疎
蘸水橫斜迎月出貼雲濃淡倚風徐
數行點破碧天色萬里傳看紫塞書
兩字平安勞爾寄不煩緘付錦江魚

賦得洞庭張樂

七言六韻限和字

君山回首鬱嵯峨黃帝遺踪憶若何
絳節來時翔紫鳳珠宮開處舞靈囂
雲連七澤春濤壯月到三湘夜色多
伐鼓撞鐘聲共遠流商叶徵韻猶和鮫
人自爲聆音出龍女還應按拍歌
縹緲更誰傳法曲至今清漾洞庭波

送日者李雲峰山人往遊濟南兼柬東樾室中翰即

和其去歲贈行元韻

長覺陳編與夢牽，書生矻矻笑窮年。
野情不省榮枯事，寂默平生信有天。

公子閒揮愛客金，十年京雒憶高吟。
袖中舊草長楊賦，遮莫臨風感遇深。

歷下經過載筆隨，再來還把舍人詩。
君行爲道相思處，濟水扁舟信所之。

東閣開時意不違，五雲北望是

形闌。長安秋老逢賓雁，應有書來報我歸。

舟中書事

裴文達公詩集

卷之二

七

敢將身世等浮鷗，旅蹟疑同汗漫遊。
書報故園初寄遠，地非吾土又驚秋。
怒濤捲雪常侵岸，猛雨翻風亂入舟。
賴有麴生相慰藉，一樽常滿更何求。

晚步書所見

村落蕭疎瓦屋稀，槿籬花謝杞苗肥。
越虛客度深林散，看劇人從近市歸。
柳外佛燈雙碣廢，岸邊漁火一星微。
意行乍覺新涼動，習習水風飄袂衣。

舟入衛河

沙岸彎環水澗洄，向秋懷抱渺難裁。
客行三見月圓缺，遠道一番人去來。
錦纜亘空經數轉，蒲帆銜尾喜俱開。

計程已近長安界北極星明是上台

武城

挂席過武城沙頭息帆影高柳涼吹生秋風颯以冷緬
想絃歌聲蕭條餘邑井徽音杳何如望古時引領

子羽猶善流守貞不自耀賢宰欽芳標處士矜高調古
意良悠悠千秋訪遺廟昨登單父臺斜陽來返照

至德州由陸路北行口占二絕句

路口三叉西復東行人結束又恩恩過橋迥指千帆影
盡泊沙頭候曉風

長隄得得輾車輪鈴鐸聲中十丈塵輪與村翁閒倚杖

袁文達公詩集

卷之二

六

道旁心數去來人

送廣昌魏少宰歸里用漁樵耕牧四首

雲水飄然去閒來有釣船生涯雙槳外踪跡五湖邊浪
諳見新月風清收遠烟得魚堪換酒底用杖頭錢

伐木丁丁響雲霧不易尋峯頭常狎鹿樹杪莫驚禽往
往逢仙徑時時憩屐林回看山下路行客正駸駸

歸田何所事十畝在衝門寒浪風前捲秧針雨後繁青
山眞作社黃葉可名村爲問老農老扶犁幾世孫

問喘事茫茫騎牛策最長適來分曉暮誰與判閒忙壠

北泉流海山南草向陽遙憐蘇武節辛苦託羖羊終

裴文達公詩集卷之三

送陳木齋師

子告歸里

薊門八月秋氣黃
賤子策蹇趨

帝鄉襍被紛紜未遑
到官舍入門攜我

層階一笑遽逐歡言
未

君恩語非一謂言

御門乞身有疏蒙

天恩俟爾來時一言
吳越

弟情挽衣無計隨公行

裴文達公詩集 卷之三

明廷屢見畱賢遠吾黨
尤豈惜者成先生清德古未有

做書一卷常在手
自

卽今歸棹何蕭然
典衣

一道寒流衝暮烟
完節全名竟如此當代公評待青

林下高風何處攀
獨立滄茫感知己

送蔣錦峯太僕歸常盤

嗟峨城闕朝光
吾師木齋

平生不負看雲約
敬山傾蓋來京焦却憶長

默數交遊知姓字
爾時父執知幾人皓髮龐眉公在耳

公家吏部今山公蓬隆藻遠方當空我遊其門竊自幸
重來坐我春風中暇日追趨習池上杖履欣然問無恙
流光彈指二十年回首當時驚我壯那堪祖帳臨晨開
送遠又上黃金臺向秋懷抱渺難盡颯沓西風吹酒杯
紅豆庄前青幾曲到時正放籬邊菊杜門高臥樂有餘
鱸膾蓴羹瀉醪醑方今

聖主矜老臣

溫綸特許辭朝纓

三朝恩遇歸能記野老相逢話太平

和金質夫移居

裴文達公詩集

卷之三

二

招尋動卽到君家况是相思閱歲華薄宦偶然回俗駕

輒紅仍此走青車

時以假旋甫至京師

淥醅細酌家藏醞黃菊初

開老圃花一笑相逢慰離索早占檐雀語喧嘩

浮踪何處息飛鴻羨爾新開半畝宮三邇好懷應不負

二難佳話更誰同

謂質夫兄以寧

拜餘奇石呼爲丈倚得長松

冊作公步履到門占氣象瞳瞳初日照房櫳

從容一榻擁寒氈就暖晴窗席每遷座上新聞紛笑噱

卷端佳句倩流傳書城小築看成壘硯沼微方道是田

從此幽人更多事閒中生計亦堪憐

朝叅初退履屢躑灑灑行窩快卽安末夜短檠清自照

舊時長鈇笑誰彈龍睛戲點僧絲壁犢鼻閒撐阮氏竿
冰署本來清徹骨圖將幽事與人看

追趨祕閣兩年餘一日何曾賦索居雪苑對栽新著稿
風簾同校舊抄書吟筒惠我寧嫌數棋局饒人實自譽
早有聲華傳日下故知名士定無虛

兀兀陳編有夙歡壺中日月兩跳丸頭銜早自稱居士
袍笏人言是長官吟倚碧雲增跌宕夢隨明月鬪清寒
吾生大有經綸在遠目迢迢每倚闌

舊隱分明枕碧江樹陰如蓋列幢幢山南種黍青垂隴
舍北尋芳綠到窗對客杯盤殊草草近人鷗鷺亦雙雙

裘文達公詩集

卷之三

三

長吟轉憶家山好笑指浮雲意未降

秋來幾日韻頻分談塵揮餘日易睡花點茶甌初瀉露
香騰薰籠欲蒸雲清思雅異登樓賦雄筆閒揮頌酒文
爲愛君家好兄弟門闌佳氣恰氤氳

九月七日袁子才寓齋賞菊分得如字

袁子澹蕩人性僻耽著書高齋契幽賞清夢眞蓮蘂曠
然平臺下瀟灑臨前除清晨忽有懷執簡勞招呼謂言
東籬菊豔豔金英舒能來醉花底清酒置滿壺我聞急
命駕得得雙輪車入門秋爛漫羅列盎與孟羣芳亦有
諸品類別以區黃者爲正色老圃淡不枯淺白卻可人

閒靜意有餘紫或無日貴間置亦足娛排當一一稱密
密還疎疎座中無雜客二三同志俱世人競春色但愛
桃李株西風倏已冷悲秋漫嗟吁寧知高士心賞此芳
香殊未妨涼颺厲寧倚暖律噓昔賢重晚節終始長不
渝願告素心人此意當何如

寄魏懋堂

娟娟美人隔秋水濃陰匝地寒光起清砧斷續西風生
數聲飄入遙天裏白日蕩蕩飛鴛鴦宗遠意青如何
壯懷欲吐空自說我當把酒誰當歌去年高會華簪集
意氣縱橫妙無敵舊歡忽墮兩經秋俯仰人間坐愁寂
莫文達今詩集卷之三
四
半城響咽那可聞周西三湘使客吟暮雲涂石虛堂瑟
縮不成寐月落屋梁疑見君

送三西擊中翰出為湖州司馬

丈夫舉足輕萬里文章乃是一事耳鳳凰池上鴛鴦班
卻笑吾曹目矜美朝朝橐筆趨輓塵蹇驢蹙蹙長安邸
問君爾爾今幾年一麾竟去君應喜雙旌引路意態豪
豪華拂曙露青袍炎方遙望勿辭遠金城山色連雲高
我聞此邦風土樂翩然佐郡良不惡風前丹荔放晚荷
雨後紅蕉登曉閣官闈莫道無所營海外篇章肯徒作
唐詩精愈是我師更令揮毫繼驅鯨前途浩蕩難更論

行矣中外均承

思名賢從古多乞守底須苦戀春明門

送同年劉翠松孝廉爲鹽官閩中

霜華拂天光照地捧檄毛生鳴得意杯行一語何慨慷
八節灘頭權鹽吏故鄉同譜推劉君壯懷飛動迴不羣
遙天仰視九萬里談笑便欲摩青雲書生與世百無競
三寸禿毫爭負勝雄飛雌伏耳厭聞拂衣竟去吾何病
入閩舊是越王城釣龍臺畔春草生綠榕陰合鳥聲變
鞦韆勃溪難爲情水遞郵籤凡幾驛公暇何須勤讀律
漢庭高議每紛呶一卷齊民思要術玉山如雪堆崇隆
裘文達公詩集 卷之三 五

海濱萬姓歌年豐君家劉晏有遺法慎勿跼踖傷途窮

紅泉館待雪爲堇圃作

甃泉滴瀝靜虛廊賓榻凌寒鬪舉觴落葉打窗聲策策
片雲籠野氣蒼蒼抗懷便擬追千古放眼眞思眺八荒
爲愛梁園老詞客倚闌終日攪吟腸

爲德符少宰題庭霰林花圖卽次元韻

雪晴霜重寒轉加紙窗漏日簾旌斜天公歲晏憐寂寞
幻出萬樹千枝花仙官騎馬向晨出恍踏瑤島馳銀沙
吟詩乞畫記奇絕一朝韻事傳京華

送同年袁子才歸聚

袁郎走馬出京華折得東風上苑花一路香塵南國近
苧蘿村是何儂家

畫壁旗亭句浪傳藍橋歸去會神仙從今厭看閒花草
新種湖頭並蒂蓮

玉鏡臺前一笑時石螺親爲畫雙眉烏絲競豔催粧句
只恐流傳惱雪兒

雙縮同心帶一條華鐙椽燭好良宵錦衾宛轉畱春住
莫忘鳴珂趁早朝

次管水初韻招飲諸同年

閉門一兩三日閒欲雪未雪天猶慳落日淡蕩冷於水

裘文達公詩集

卷之三

六

濕雲重疊奇似山支頤臥起北堂下垂手徙倚南窗間
公能過我慰寂寞共傾綠酒回朱顏

看雪用東坡先生北臺書壁韻

斜斜整整復纖纖漠漠紛紛夜氣嚴未可戲將鏐作鋌
用耿先不妨癡絕味成鹽呼童掃去猶平砌卷幔看時

更撲簷忽憶故園山色霽白雲堆裏一痕尖

紗帽籠頭自點茶宦情冷去當懸車寒窗不夜常畱月
老樹先春故著花畫意寂寥偏入格詩懷閒澹懶名家
曉來牽我推敲興遮莫吟成手八叉

沈稿士爲江孝子檇齋作傳屬作長歌紀事

吾聞忠孝有至性此事難以口舌爭小儒不足論奇節
動輒引古相譏評寧知精誠所激發不復計有後世名
當其孤行一意那復顧但覺耿耿熱血何由傾自來志
士每如此令我讀史難爲情咄哉江君愚莫及冥嘿便
擬通神明刺血剖股偶不死欲以身代全所生世風之
頽首門內乾坤大義須支撐長洲歸愚感其意濡墨作
傳揮縱橫豈徒軼事紛在眼要令世人聞此慚且驚日
星照耀挾光彩風雨雜沓來悲聲江君至孝不可滅懸
諸海宇長崢嶸

陳紫山移疾歸里短歌一章賦別

裴文達公詩集

卷之三

七

京華盛冠蓋車馬徒紛紛之子倏言別驪歌何可聞但
道故園歡不惜長途苦一舸下天津遙指江南去舊時
游釣處魚鳥無嫌猜息機得妙理養疾生高懷白雲自
相親紅塵容暫謝沽酒過溪橋尋僧入山舍君情旣卓
犖我志還縈紆拳拳贈言意善保千金軀沙岸張家灣
千樹垂楊柳長條綠染衣攀折傷人手逆風牢繫纜順
風緩張帆報書莫辭數惠我時一函相送復相招望君
來早晚慎勿久棲遲高堂方健飯

題香樹前輩德符少宰雙樹齋唱和卷子後

馬蹄印雪圓重重朝衫下直閒過從盡屏騶從隨奚童

入門不待謁者通握手一笑開心曾齋前雙餘撐碧空
瓊花點綴飛玲瓏當筵意態豪且雄縱飲便欲傾千鍾
詩成落紙光熊熊洪濤巨石相撞春邁也捉筆侍乃翁
奇氣已欲吞長虹燭光燦爛搖簾櫳城頭夜鼓聲寥寥
山公欲起還從容清言颺發方未窮明日佳話長安中
問今畫手誰最工更須絹素圖芳踪凌霜傲雪如喬松
請以雙樹喻兩公

新春揖翠堂小集限韻

落落高懷笑語同習家池館醉春風傳杯競鬥藏花約
隔字爭誇射覆工渴似飢鯨思飲海豪如健鶻欲摩空
裘文達公詩集

卷之三

八

明宵更作張鑑會美景良辰樂未窮

九月初過第一辰虛堂燈火夜相親名花待放如佳士
好月將圓是故人鄉夢繫懷猶昨日流光迴首又新春
樽前動有飛揚興莫向清時感遇頻

春色今朝定幾分統如街鼓夜深聞擘箋戲作嬉春曲
酌酒初成祝歲文鑪鴨烟新香結篆硯蟾冰釋氣蒸雲
山公門第清於水風月佳時致不羣

爲陳明齋孝廉題虞山少宰臨趙子昂蘭竹長卷

初日晶晶明窗棧烏皮髹几靜可凭揖翠堂中富圖史
蘭竹一卷推吳興虞山雅尙百無嗜好古有癖捐未能

清時務簡下直早門庭闐寂清如冰手臨別幅見眞態
風枝露朶烟光凝蕭疎初若不經意畫家此境最上乘
空谷早有王者譽渭濱復得君子稱當春一叢香奄冉
截雲百尺高凌嶒伊人習次故應爾傳神寫此喜弗勝
筆精墨妙兩俱到副以玉軸裝文綾贈君珍重自有說
幽姿勁節堪爲朋世閒凡卉那堪顧瑣瑣花葉吁可憎
送古田丞岑滿生

岑生四十不成名一麾南服著作丞凌晨揖別自茲去
蘆溝凍釋清無冰君是虞山門下士揖翠堂中識君始
愛君能畫復能詩京洛聲華滿人耳前年海浣嬉暮春

裴文達公詩集

卷之三

九

綠楊烟覆溶溶水聯翩策騎游西隄馬上吟成書在紙
歸來共飲花下盃酒半頽然君醉矣一邱一壑別有懷
不履不衫殊自喜國門回望高崔巍片帆遙指無諸臺
翠禽綠羽紛在眼啁嘈格磔堪笑哈手版趨庭君勿哂
印牀閒處花連吟宦清自可號詩仙地僻不妨稱吏隱
似聞取道取家姬到日筠籠進荔支山川滿眼供渲染
更著閒情爲畫眉

題謙亭藤花倡和卷

韶華到眼爭鮮新老藤著花點綴勻主人愛花兼愛客
花下置酒羅佳賓詩成卷軸富如許三唐兩宋排門戶

豪吟一一語不羣佳句真須更僕數君家兄弟馳與瑚
眉山落落大小蘇我來訪君值清晝坐揮如意供盧胡
一紙傳看稟新脫沁入心脾轉清烈古稱此事擬兵家
白戰不須持寸鐵

送家四兄南歸三首時三兄爲均州牧紆道視之
春暮長多感臨歧况送行大風生曠野斜日在高城待
渡頻呼騎逢人細問程楚山青不斷一抹馬前橫
均州重到日爲我致區區髮憶多時白顏非舊日朱壯
心銷歲月逸氣滿江湖誰唱銅鞮曲尊前興莫孤

歸路經長夏移時返故廬遲君千里外報我數行書屋

裴文達公詩集

卷之三

十

角松應長籬根菊未疎旅人踪跡遠相望定何如

賦得水 上桃花紅欲然

武陵溪上碧溶溶春著桃天滿樹紅新漲恰宜侵遠岸
好風長爲護深叢燒空一片橫斜見照眼千重爛漫同
旖旎向人微雨後輕盈籠日落霞中珊瑚出水濃於染
錦繡成堆暖似烘香霧散時晴晚晚芳塵生處曉濛濛
移將麗影琪花燦望去波文寶鏡空南國自來矜絕豔
笑他楊柳舞偏工

送徐蓋山下第南旋取道浙江赴西湖之約

十二門開歇輦紅故人歸路採芙蓉醉醒適意足佳趣

得失去懷無戚容白傅隄邊波疊疊于公祠下草茸茸
因君轉憶舊行路甚欲重遊攜短筇

送同年袁子才

有序

子才袁君一行作吏都下贈別之章爛然滿冊
所以重其才而惜其去者語無遺蘊矣況同年
同舉如僕者離別之感又豈楮墨所能敘述耶
于其行之先一日漫成長句一首悽惋中故作
豪語且志規勉竊附於昔人贈言之義子才以
爲何如也

翰林改官成故事子才別我凌晨去長安五月清無塵

裴文達公詩集

卷之三

十一

壓地濃陰雨如注我方隱几深自嗟六經堆案眼欲花
一窮坐此百不著日支官紙供塗鴉莫言作吏風塵下
膏君車兮秣君馬讀書萬卷用在斯兔園冊子胡爲者
平生所學要及人縣令之職唯親民漢家法度重良吏
至今史傳垂嶙峋西晉清言動成癖塵尾爭誇鳳池客
閭閻呼吸了不關咄咄書空竟何益君其行矣勿復疑
此際正爾觀設施逢迎官長不足道鞭撻黎庶誠可悲
底用匆匆愁簿領爲政先須酌寬猛我聞要語清慎勤
朝廷今日需公等三年奏計翩然來再當執手黃金臺
我歌贈君君自識兀兀離情空酒杯

水初之官有日矣賦詩畱別依元韻酬之

晚起忽不憚送君聊短吟
薊門秋氣到涿水暮烟深
惜別畱佳詠爲邦佇好音
平生友朋志千里貴知心

遙遙千載上翹首更誰如
吏事須強飯餘閒且讀書
昔賢良可念吾道未應疎
燈火熒熒夜休忘舊直廬

三年同直處朝退每行吟
竝轡春風暖銜杯夜雪深
浮雲看奕局流水識琴音
此去前途事茫茫感夙心

兩衙初放後宴坐總如如
歲月增詩草風塵簡簿書
印牀花影合鈴閣鳥聲疎
遲爾秋來雁將書到寓廬

董剛寓園賞菊分得同字

裴文達公詩集

卷之三

十三

長安行樂地勿謂吾曹窮
玉堂有仙吏偃仰嘗從容
名園恰一畝隙地餘三弓
嵌空鑿山骨洞穴穿玲瓏
朱闌臨曲沼幾折流泉通
維時秋氣肅庭柯散涼風
荏苒衆芳歇黃菊呈秋容
幽芳襲衣袂秀色交房櫳
牆陰護嫋嬾石罅開戎戎
重荷主人意席地清樽同
談諧互酬酢斟酌酒不空
亭亭下斜日返射檐牙紅
頽然我就醉逕欲眠花叢
珍重再來約良會莫怱怱

雨中書事柬賡廷姪四首

枕邊鎮夕廉纖雨窗外排簷
颯沓聲念爾虛堂方臥病

聽殘街鼓若爲情

袂衣纔試便裝麻，紈扇團團早棄捐。昨日驕陽何處去，笑他如夢復如烟。

溷跡金門亦偶然，閒中檢點舊因緣。一從拋卻扶犁手，走入紅塵又十年。

向來本乏匡時策，爾日兼空賣賦金。何必尊鱸動歸思，每逢秋至輒沉吟。

爲交心居士題古泉圖

牀頭金盡都無碍，地上錢流空爾爲。誰信神通有奇術，囊中畱得一文時。

盡日摩挲未是慳，土花新碧洗爛斑。笑他博物張公子，

裘文達公詩集

卷之三

十三

何事惟云阿堵間

兩兩銖銖計畫勞，莽新法密似牛毛。當時百物成灰燼，尙爾流傳金錯刀。

此老曾中萬斛寬，未妨隨意寄清歡。圖書參得圓通相，便作商彝夏鼎看。

周力堂侍郎奉使江南

手持龍節出嚴城

溫語親承感

睿情半壁江天分，倚任此行端合爲蒼生。

三策當時費討論，黃強清弱久相吞。首先鞭起驕龍睡，

一線長河達海門

中流一柱功何偉長纓千尋澤未窮萬井還他乾淨土
不教原野有哀鴻

日日南天候使星清江浦口

御碑亭書生大有經綸在檄到應知走百靈

送家姪賡廷中翰南歸

舊夢分明混酒徒因君歸路更踟躕大隄柳繫行人馬
往日青青好在無

居然名士阮家兒尊酒何嘗不共持此去郵亭風雪裏

鐙前應和贈行詩

裴文達公詩集

卷之三

十四

前年攜手長安道別後相思更惘然昨歲扁舟還共載
莫忘風浪五湖邊

人間何處無離別不敵長安大道多爾我情懷太惆悵
一年一度唱驪歌

去去休言歸路長輶車人識紫薇郎淮流盡處山重疊
江水江雲接故鄉

爲我殷勤語故知平安一一道相思頻行刻取還朝約
秋月圓時莫後期

除夕次韻

雲消南牖曙光妍佳句吟當餞歲筵人意向春先跌宕

辭華與谷共周旋未論昨日如今日盡道新年勝舊年
冰署從容無一事故應情味向詩偏

裴文達公詩集卷之三終

裴文達公詩集

卷之三

五

裴文達公詩集卷之四

雜題岱宗圖冊

紅門

我嘗東遊登岱宗其巔直與青天通初疑絕頂不可上
仰頭太息迷仙踪忽悟升天有門戶涉足先須從低處
亭臺迤邐坡隴平一行笑指紅門去

萬仙樓

人間何處求神仙蓬萊方丈俱茫然白日飛昇直遊戲
神仙依舊還塵世綠窗朱戶垂丹梯高樓結構知幾時
仙人居此復千載秦皇漢武空爾爲

裴文達公詩集

卷之四

水簾洞

曾有星槎到天上歸問君平語非妄故知河漢豈世間
斗宿傍邊長蕩漾分流忽向此中來匹練垂空一千丈
屬渠安穩下前溪莫向塵寰作波浪

歇馬崖

學海至於海學山至於山中間都無駐足處半途而廢
古所歎斯時卻費躊躇力有路終當造其極鳥之將飛
忽斂翼九萬里遙思一息

玉皇殿

天地之生惟一氣輕清者天濁者地伊誰主宰誰綱維

默運元化調四時人言上界足官府紫極仙曹定何所
九關洞達開天庭冕旒端拱朝百靈

回馬嶺

山路紆迴凡幾曲裹糧擬就中峰宿忽逢九折驚倒人
側隴橫岡斷還續僕夫執轡莫舉鞭但逢險處須周旋
徐徐欲卻且復前回頭已到千山顛

御幃坪

眞宗封禪踵故事祕記天書出金匱當時御幃懸此間
石壁摩挲認題字一峰屹立青夫容一峰橫插如屏風
餘人瑣瑣不足誌誰與册作大禮使

裴文達公詩集

卷之四

二

朝陽洞

齊州九點飛烟埃籠中日月吁可咍曉來一覺遊仙夢
尋幽親入朝陽洞向年鑿此混沌痕直抉地肺摧雲根
神仙洞府世莫識試看深處無人跡

南天門

兩旁鐵絙懸長虹三十六盤亘虛空中央一線微可通
行人拾級路欲窮天門四扇開玲瓏繪圖五色紛青紅
常關虎豹獬且雄似聞叱咤生雷風

白雲洞

烟非烟霧非霧洞中微茫不知處滃滃鬱鬱千頃平白

波重疊縱復橫本無定態乘風行我欲因之訪赤城
仙人橋

石梁廣處不盈尺苔痕蝕雨千層碧老翁自攜九節筇
問渠過此將安適三山只在弱水東人間舟楫何由通
憑誰笑指仙源路巢星橋逕先渡

孔子崖

登泰山而小天下我聞此語于子輿其上愈高下愈小
以聞證見良非虛要知高處無窮極眼前大道如繩直
千古何人復到來仰頭但睹蒼蒼色

後石屋

裴文達公詩集

卷之四

三

何年驅石到海東五丁開鑿誇神功藥鑪丹竈各位置
居者毋乃浮邱翁莫問山南與山北誰升其堂入其室
清風明月自去來千門萬戶何爲哉

扇子崖

月華拂袖雲生履座隅偏覺天風起莫愁高處不勝寒
金丹換骨非凡髓雲爲車兮風爲馬障塵便面胡爲者
回頭一笑謝世人石上題名記吾且

仙人影

惚兮恍恍兮惚往復來出復沒曾聞羽化而登仙至今
隻影猶畱傳仙人狡獪工爲此盡道不生亦不死年年

影入空明裏

竹林寺

山中自有清涼地，瑤勝題。竹林寺入山從古不厭深。
覺然空谷希足音，碧篠森森紛可數。直教六月清無暑，
雲堂寂歷不逢人。拂面好風吹作雨。

白龍洞

山中水獨漉，白龍澗底宿。龍兮亦何物，慎勿效魚服。
大人龍德古所傳，易言龍飛復能潛。有時欠伸徐一起，坐
看爲霖潤千里。

三賢祠

裴文達公詩集

卷之四

四

徂徠師友成千載，勁節清規至今在。敬瞻遺像生嗟吁，
當時飛語良紛如。青天白日雷霆吼，濁界妖氛復奚有。
遙遙直道屈更伸，後來亂豆還何人。

蔣靜存寄二絕句見招雨阻未克如約次韻答之
拂簾絲雨細於絲，寂寂虛堂起暮烟。賴有詩來慰愁絕，
懷人吟斷九秋天。

遠寺疎鐘斷續鳴，市鐙初暗濕雲生。閉門止酒新成頌，
不覓官廚阮步兵。

靜存復示獨酌二詩再用前韻戲之

青綾寒重乍裝絛，睡起薰鑪有篆烟。一夜滴階聲到曉，

好風吹出兩餘天

豪句琤琮每一鳴舊時飛動意橫生嘲君一語君嗔否
便捉蕭郎作騎兵

三疊前韻答靜存

新詩切切語緜緜葉落空庭散綠烟咫尺衡門不相覓
雁行嘹唳碧雲天

天風蕭槭向秋鳴一夕能教感慨生豈識道人新得力
六塵不動守川兵

四疊前韻答靜存

世味經秋薄似緜故園茆屋老江烟一番鄉夢宵來覺
裘文達公詩集

卷之四

五

寒戀重衾欲雪天

莫擬寒蟬倚樹鳴濡毫吟興笑吾生可知詩律同軍律
險韻頻拈一字兵

送涂石溪宣諭江南

聖代崇經術儒臣奉簡書衣冠千騎出禮樂百年初按
部尊龍節觀風駐隼旃晚來甘雨降應逐使星車

浩蕩見神州河聲日夜流魚龍空徙穴鴻雁易驚秋佇
慰西成望先紓

南顧憂農桑兼孝弟一語是良謀

記取持盃語還須露冕行軒轅上國樽俎有高名津

吏鳴鉦發衙官負弩迤將何報
明主相送不勝情

次韻送張寶臣少宗伯

予告歸里

一笑翩然喜宦成
麥秋時節暑風清

明廷屢緩還山勅
老輩難勝揖別情
調鼎有人畱坐論
抽簪寧礙獨歸耕
某邱某水欣無恙
舊社雞豚約共迎

賦得輕烟浮草色

芳草當春發
祥烟覆地輕
迢迢濃淡影
漠漠淺深情
過雨縈初定
含風染欲成
年年

裴文達公詩集

卷之四

六

仙仗下長傍

玉階生

未央瓦硯歌

瑣窗清晝憑瀟灑
硬黃搨本閒臨寫
龍賓十二齊見前
古硯摩挲未央瓦
未央宮闕高重重
炎劉鼎造蕭相功
當年迴出雲漢上
幾時墮入蓬蒿中
祕久奇踪氣紆鬱
汲水新磨手重拂
西京往事莫更論
此瓦還爲案頭物
迢迢上溯三千年
其他變滅埋荒烟
問渠閱世何獨然
評詩點易依聖賢

題錢舜舉秋江待渡圖

秋雨秋風未可期江頭欲渡尚遲遲似聞傳語操舟者
莫恃波平浪靜時

和宗室塞曉亭閣學翰林院

賜宴紀

恩詩四首

師師多士贊

時幾更向

皇家見一夔赤縣轉輸旌節重

形墀立仗漏聲移流分渤海源頭水樹本崑崙頂上枝

記得親承

裘文達公詩集

卷之四

七

天語切宗臣此是最能詩

小春晴晝裊游絲青瑣爲窗壁作池

詔下遙傳

仙蹕至

詩成遍遣侍臣知香稱百和初開鼎草擢三英獨挺芝

此際何人誇特達黃門宣

勅奏名時

法醞名茶次第頒大羅天上衆仙班賡歌有喜文爲富

琴舞無愆禮是聞雲向九霄憑跌宕峰成羣玉絕躋攀

人間佳話從今說縹緲終同海上山

書陳中秘許嘗觀

賜紙名宣硯號端一卷都忘星歲改五湖不記水雲寬
漸生手筆稀新句未老頭銜耐冷官珍重璫瓊爛盈幅
幾回吟罷和應難

題介受社野園圖

人生樂事難相假出處殊途判朝野君胡以野名其園
豈真託輿林皋下一亭如笠剛容膝木石蕭疎少裝飾
欸戶山呈太古顏侵階草避行人跡有時退食來此中
幅巾野服矜雍容古來大隱曾有此江湖廊廟將無同
何必他年投老地數筆雲林聊寄意但教識得濂溪圖
裴文達公詩集 卷之四 八

西苑下直至涂石溪寓庭漫成四絕句

亂峰插徑闌干曲別榭臨流略杓斜誰信紫垣丹禁側
居然風景是山家

大隱金門亦快哉好懷真覺爲君開幾年不作江鄉夢
忽訝松風入耳來

六尺匡牀手一編禪家三昧小游仙人間信有清涼地
借我虛堂半晌眠

倚樹遲遲看夕陽繞窗荷葉靜生香閒中識破坡公語

一日眞如兩日長

沈椒園侍御重新南池寺繪圖屬題得三絕句

錦官城外浣花翁踪跡平生類轉蓬今日南池重懷古

新碑還臥夕陽紅

蕭條異代訂交時同是中朝老拾遺千載詩魂呼不起

一杯村酒奠荒祠

鴛瓦鱗鱗又轉新畫圖更與細傳神遙知佳話流傳去

已有他年配饗人

夜雪用東坡先生聚星堂韻

寒林颯杳飛黃葉一夜千山萬山雪推窗頓覺天宇寬

裘文達公詩集

卷之四

九

直拍闌干叫奇絕蒼茫歧路失三叉浩蕩危坡忘九折
大地都教鏡面平縱有纖塵應時滅乍飛旋止勢轉佳
澹月微籠風曳掣燭影闌妍寒射屏酒波暈碧光凝纈
有語欲吐難爲工比作春葩知不屑空中幻化誰爲之
萬里紛飛見飄瞥聚星堂前景豈殊風流未遠欣重說
當時禁體繼者希筆力慚余非屈鐵

冰牀

冰合河津迤邐長橈頭船子笑如牀乘風但欠一帆滿
展簟平量六尺強望裏澄鮮平似掌鏡中空霽白於霜

往來恰稱游人便錦纜徐牽大道旁

炙硯

硯蟾鳴鶴眼香獸鷓鴣斑澹蕩日光曙婆娑人意閒瑤
箋書未擘芸案句重刪賴此供揮灑相依几席間

盆梅

芳影依窗瘦簷光落几寒疎疎孤豔淨的的數花攢作
供宜佳客標名稱冷官微吟知不厭長此得清歡

新麥

麥秋期近接餘春麥隴青青弄色新濃比綠楊看似畫
嫩於芳草望如茵晚烟早處搖絲雨晴旭烘時度麴塵
澹沲輕陰籠綺陌空濛佳氣被遙津霏霏隔樹深鶯囀

裴文達公詩集

卷之四

十

漠漠連畦野雉馴林外壺漿逢饑女水邊蓑笠見耕人
魚鱗信起抽芒細龍骨聲停吐穗勻不獨郊原增浩蕩
所欣民俗返和淳祥徵異畝登豐屢瑞表雙歧獻頌頻
農扈慶成歌潤澤奉常修祀致明禋幽風入繪呈
瑤殿無逸書箴泐

紫宸化日正長清晝永瞻蒲望杏續茲辰

董東山爲勵衣園作三友圖張晴嵐添著色茶花

戲題其上乙丑除夕前二日直廬作

八磚晝影斜金鋪捉筆合寫三友圖團圍偃仰各有態
竹旣君子松大夫冰花幾朵冒霜雪形容乃似山澤癯

其間山茶亦位置濃塗豔飾嬌吳妹翩然一笑來座隅
歲寒心事差不孤羣公於此有意無問之不答同盧胡
酒酣燭跋交履舄知須紅袖親相扶

歲宴述懷二律

冉冉流光忽云暮堂堂新歲行復來素琴挂壁罷三弄
殘帙堆牀時一開貧賴故人分薄俸寒教穉子送深杯
年年宦跡浮沈慣慚愧金門作賦才

數莖毳雪覺吾衰况復傷離首重迴江外雙魚音尙杳
隴頭一雁影堪哀

從兄叢南以秋仲之官朝邑甫十日而卒賡廷姪扶欄久無來耗故云

風鐙靜後畱寒焰鑪火燒餘悟劫灰自分疎慵更何補

裘文達公詩集

卷之四

十一

濟時須仗出羣材

乙丑除夕卽事

七載條冰媿署銜又隨鴛侶拂朝衫功名幻似雪中爪
歲月速於江上帆舊句未安憑易草鄉書初到喜開函
韶華與我周旋處餞臘迎春紀大凡

裘文達公詩集卷之四終

裴文達公詩集卷之五

丙寅穀日和周蘭坡學士六詠

竹葉青

牀頭潦倒臥長瓶三尺鐙檠照眼青
賴有此君相慰藉爲言宜醉不宜醒

黃芽菜

風雪長安十萬家纍纍此物載盈車
菜根滋味嘗來慣不怕寒冰戰齒牙

關東魚

年年秋思滿鄉關記得重綸碧水灣
今日盤餐轉惆悵裴文達公詩集

卷之五

江鱸風味杳難攀

太平鼓

傳得團圞扇底聲不嫌聒耳聽
鏗錚良辰吉語相緣飾十字街頭報太平

銀燭

暗室相親最可人雙瓊琢出色如銀
年時午夜朝天客賴爾清光穩照身

冰牀

小踟躕坐穩于牀十里銀塘灩灩光
回首片帆相送處

更無波浪異江鄉

元宵詩二首

入手揆摹弄彈丸張燈時節鬪春盤圓勻直迸珠爲顫
磊落還揉雪作團槐葉冷淘名士飲藤花餽飴腐儒餐
未知風味當誰勝刻竹吟餘桂燼殘

范老清詞舊擅聲最宜三五錫佳名星毬疑向當筵落
月鏡欣逢此夕盈說餅自來傳故事題糕聊復寄豪情
一從開宴邀賓後列炬還同不夜城

用前韻再賦

稱名舊說是牢丸廚媪擎來又滿盤淪水氣蒸雲母屑
流匙香泛粉花團佛燈明際充朝供賓席陳時佐午餐
袁文達公詩集 卷之五 二
圓滿直同今夜月看渠何處有虧殘
九衢雜沓鬧春聲餅肆招邀列品名筠籠攜歸看的的

雕盤傾出笑盈盈分嘗好作張燈會相餉依然餽歲情
令節團圍聞吉語試聽絲管沸層城

春正齋居鐙下用周蘭坡學士祀竈元韻四首

隔街鳴柝夜傳更六尺匡牀二尺檠似鶴鐙前人影瘦
聞雞枕上客懷驚署名久耐頭銜冷鍊句終慚手筆生
檢點流光一彈指歲時毋乃太崢嶸

壯夫生恐負

清時拙宦惟甘百不爲每向陳編思往哲屢從枯筆得

新詩安心止水觀欵器閱世頽波比漏卮插架圖書五
千卷故應收拾付家兒

漸覺星星髮點霜迎春餞臘且逢場幾人自脫囊中穎
萬里難尋海上方但有身存原不礙莫言舌在便無妨
舉頭一望青冥濶百鳥收聲讓鳳凰

淡薄生涯未是禪官如僧冷亦居然偶憑石上三生夢
盡閱齊州九點烟七日復時葭管動一星橫處斗杓遷
東風又作行人至敘別殷勤已隔年

題蘇子卿牧羝圖

黃沙漠漠天蒼蒼羣羊蜩縮難成行豈真執箠效驅策
裘文達公詩集

卷之五

三

百折不死來此場餐氈嚙雪易事耳誓與漢節同存亡
千年絹素宛可識一再拂拭增慨慷當時聽得單于語
分不生還漢家土誰言射雁上林中帛書姓字題蘇武
兩家和好歸使臣屬國居然列樽俎是知冥漠通精誠
何必羝羊不生乳何必羝羊不生乳嗚呼李陵計拙心
獨苦

張晴嵐閣學哀辭十二章

乾坤豈遽喪斯人累日猶疑語未真及到總帷親一奠
淚涔涔滴任霑巾

夙慧曾參大覺禪楞嚴一部早通元那知塵世須臾夢

畢竟終歸兜率天

鎮日玉皇香案吏

兩朝金殿掌書仙相公門第清如水退食常聞手一編

一代才名今已矣人生到此復何論曲江風度難忘卻

遺草還能感

至尊

螭頭尚念揮毫捷豹尾猶思扈

駕勞

天語琅琅公聽否感深何止是吾曹

此際羊曇痛更深剎那便已歎人琴撫棺只有吞聲泣

裴文達公詩集

卷之五

唯恐重傷白髮心

館閣追隨自昔年法書名畫見流傳而今檢點成遺跡

寶篋重開劇可憐

相期落落愈情親以我知公意獨真今欲有言無處達

痛哉司命是何人

浮世榮名早棄捐知公于此已超然但餘

君父恩難報好結來生未了緣

遺文死有千秋命列爵生邀五等封莫道都爲身外物

百年鼎鼎亦希逢

漫天風雪暗層城公向長空撒手行逝者不知生者勸

夜臺冥漠竟忘情

報國文章畱阿弟傳家經術付諸郎
他年華表歸來日化鶴還應到帝鄉

和錢稼軒遊臥佛寺元韻

一官如擾禽啄此籠中粟託跡偶軒墀
素懷本林谷往往看雲山微吟倚喬木
側聞古旃檀近在香山曲聯轡
翩然來題名刻脩竹上堂瞻金容鱗鱗覆深屋
春花一任紅秋蘚幾回綠定後了不關孤眠穩
雙目繫我兩三人下直快休沐便擬寄禪牀
憑誰叩老宿

和張鏡壑庶常綠牡丹元韻

裘文達公詩集

卷之五

五

留春空費買春錢飛盡輕紅染綠天
一朵忽從簾外墮碧闌干護曉痕鮮

帶露盈盈細坼苞花前握管列仙曹
雲藍親署頭銜在 第一推渠格韻高

洛陽舊譜擅花王不信人間別有芳
除是木蘭舟上見春波一掬翦瀟湘

再三珍重小窗紗一斛明珠是此花
金谷那能畱得住向來痴絕阿奴家

柳綠垂陰蕩蕩遠空芭蕉庭院翠屏風
晚來天氣涼如水

付與輕烟淡月中

不關弄粉與調脂未落將開各有姿但是花期莫辜負
綠袍人正少年時

送白環九侍御巡視臺灣

朝端嶽嶽惠文冠皎日盟心一寸丹使節重承
天語出征袍晴拂曉光寒南溟鱷早驚飛檄東海鼉應
避掣竿到日無諸臺下水麥秋風信報平安

負弩縣官傳水遞持籌津吏測潮痕開帆振舵舟師捷
浴日吞天海若尊宗慤乘風原有願王尊叱馭許同論
荷蘭只隔東西島一髮青山認廈門

廣廷姪從南來道由濟上出完卓亭河督新製二

裴文達公詩集

卷之五

六

韻
章誦而愛之中夏直廬休沐晚窗微涼輒步元

傳來佳句一軒渠幕府風流衆口譽蛟穴徙時鈴閣靜
虎符閒處射堂虛烟凝棐几宵裁牘柳映牙旂曉拂輿
九曲平安農事起排成新帙是公餘

剡藤光膩水紋鋪下直蕭然遂所圖鎮日清吟紆歲月
有時飛夢繞江湖金門送客三年別錦字分箋兩地孤
東閣好賢賓榻滿新詩還寄遠人無

客燕圖歌爲陳長卿賦

客舍東風歸寂寞簾空下顧影見單棲燕燕胡爲者天

涯日日尋主人烏衣染盡長安塵有時自來忽自去驚
然相見還相親梁間呢喃共慰藉花底下上同逡巡最
憐此日懷中夢莫問他年掌上身處處珠樓垂繡戶管
領春光誰是主王謝飄零門巷非回頭失卻銜泥路浴
鵝池畔不堪論鬪鴨莊邊寧足數柳絮陰籠漠漠雲木
棉花滴霏霏雨牆頭鶯囀碧桃枝門外鴉啼烏柏樹社
前社後翩翩來闖君簾幙未須猜蛛絲斷續琴匣蠹
粉迷濛堆鏡臺鴛鴦自昔餘詩債鸚鵡于今擅賦材蕭
騷此意誰堪說畫圖寫入供愁絕記得當年對語時年
年長伴孤吟客

裴文達公詩集

卷之五

七

題陸包山仿王叔明高士聽泉圖

老龍夜吼濤聲起靜聽卻在松風裏縱錚漸瀝和者誰
流泉一派清入耳洞庭毋乃仙樂張細叶宮商調角徵
廣陵散絕經千年兒女箏琶徒靡靡幽人意態疇爲傳
披圖云是包山子有元巨手數黃鶴曠代高情工寫此
橫斜落紙遽逼真毫芒底用求形似莫言不見竝不聞
有聲悟得無聲旨萬籟俱息山空空濺玉跳珠鳴不已
何當譜入無絃琴志在高山在流水

題曹地山侍御書西池詩

嶽奇歷落總能奇亂灑金壺注玉池俊極神鷹辭繼後

快哉天馬脫銜時，曾中五岳原如此。筆底千鈞信有之，若向先生問書法。車轟虵鬪盡吾師。

送張盛符之贛榆任

挂帆遙下鬱陵城，捧檄欣然此一行。父老遠思良吏至，簿書全賴長官清。雨昏海氣鹽田濕，木落秋風網戶晴。中澤頻年有鴻雁，到時親爲慰蒼生。

送王位公南旋

一巾一拂水雲身，四海飄然一隱淪。除卻君平無此輩，笑看唐舉爾何人。算窮坎止流行理，踏遍燕山楚水春。歸到匡廬峰下住，門前五老尚嶙峋。

袁文達公詩集

卷之五

八

題仰道久小照

與君相識今幾年，長安人海車聯翩。春風三月潞河道，與君何意還同船。篷窗示我好圖畫，是誰點染鬚眉傳。松耶竹耶翠交蔭，坡陀坐臥如安禪。君前待

詔侍金馬，欲到此境何由緣。蒙

恩今許返初服，此境到眼爭相延。虞山琴水我未至，曾聞勝地多名賢。況君更有肘後祕，長生卻老窺元詮。他時青鞋布襪我來訪，看君童顏鶴髮登山渡。水飄舉疑

飛仙

裴文達公詩集卷之五終

